

**Ora da Taizé:** ala vëgn indô tignida en vëndres, ai 20 de otober dales 20:00 te capela a Oies. Düc é inviá a tó pert.

**Ciastagnada dles èles:** la uniu dles èles inviëia dütes da gní ai 24 de otober a Urtijëi a fá le « tru dl dialog » y spo dedô a Vahrn a Törggelen. An pëia ia da Pedraces dales 14:00 y præibel prenotesse pro Roberta al nr. 338/3852548 (domisdé) cina ai 21 de otober. Le prisc sará zirca 40 €.




En mercui, ai 18.10.17 complësc **Trina Insam Pescosta** da Pedraces 80 agn. Le Senioreclub y düta la Comunité ti aoda düte le bun, sanité y benedisciun de Dî.

**La biblioteca Sas dla Crusc** inviëia en vëndres ai 20 de otober dales 20:00 te biblioteca a La Ila ala prezentaziun dl liber: *Käferchengeflüster...weil jeder Tag zählt!* de Daniela Pircher che cunta de süa maratia crebs y coche ala nen vëgn fora y varësc. Düc é inviá!

**Le grup de tëmp lëde Atmosfera** se incunta indô en jöbia ai 19 de otober. En chësc iade depenjuse adöm cun Irina Tavella y Barbara Rungger. I se incuntun dales 15:30 tla sënta dl Raiun Sozial Val Badia a Picolin. Informaziuns pro Sabine Rainer tel. 0474/524519. Vignun/üna é bëgnnüs y é dër bel inviá/des.

**Le Consëi de Formaziun tl Comun de Badia** inviëia les uniuns dl Comun y i interessá ala sentada generala la jöbia ai 19 de otober dales 20:00 tla biblioteca a La Ila. Le Consëi gnará lité da nü por i proscimi trëi agn y al vëgn chirí nüs mëmbri co es interes da organisé ativites de formaziun por la popolaziun adulta de nosc Comun. Al sará ince Ploner Alex che nes cunta val' sön le tema "Festkultur zwischen Frust und Lust" y al vëgn splighé y dé consëis sön co organisé na manifestaziun.


Das Gebet  
ist das Schutzmittel  
gegen Traurigkeit  
und Mutlosigkeit.



# Plata dla Ploania Badia San Iaco - San Linert

Ploan: **Siur Iaco Wendelin Willeit**  
Colonia Badia: 0471/839571  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz


UNITÉ PASTORALA



[www.unitepastorala.org](http://www.unitepastorala.org)

Ann „A“ 15.10. - 22.10.2017 28ª Domënia dl ann n. 47

„C'è un posto anche per te.“



## Vangele dla proscima domënia - 29ª dl Ann „A“

Mt. 22, 15-21

Te chël tëmp s'á enduné i farisês y á fat fora de ti mëte cun na domanda na tënora a Gejú. Insciò á metü sü discepui, deboriada cun chi che é söla pert de Eroles, da jí da d'ël y da ti dí: Maester, i savun che tö dijes dagnora la verité y che te insëgnes veramënter le tru de Dî, zënza ti mëte averda a zacai; deache tö ne ciars nia söla porsona. Disse incomá: Él conzedü de ti paié la cuta al imparadú, o no?

Mo Gejú á conesciü süa malizia y á dit: Os falzuns, ciodí orëise pa m'abiné te tënora? Most-rédeme la monëda, cun chëra ch'i paiëis ostes cutes! Y ai ti á tigní ia n denar. Al i á damané: De che é pa chësc retrat y l'iscriziun? Ai á respognü: Dl imparadú. Sön chëra ti ál dit: Dedi spo al imparadú, ci che é dl imparadú, y a Dî, ci che é de Dî!

## FUNZIUNS SACRES

### 15.10. **28<sup>a</sup> DOMÈNIA di ANN A**

- 10.00 Mëssa por la Comunità  
11.00 Festa da Bato  
15.00 Prozesciun cun Chël Bel Dî da La Crusc  
18.00 †ti Paul y Mariangel Pitscheider  
†ti Pepele y Lois Nagler  
†to Florian Valentini (dala uniun di ëi)

### 17.10. Mertesc - **S. Ignazio d'Antiochia**

- 19.30 por i novic Lois Craffonara y Veronika Pedevilla  
†ta Carmela Thaler – aniversar / a d'intenziun

### 18.10. Mercui - **S. Luca Evangelist - Mëssa cun i scolars dla elementara**

- 07.30 †ti Sepl y Maria Frenademetz  
por fam. Erwin y Trina Pescosta en onur a S. Maria  
por les animes dl purgatore

### 19.10. Jöbia - **Mëssa cun i studënc dla mesana y scores altes**

- 19.30 †to Elias Dal Bosco  
†ta Anna Piccolruaz (dala uniun dles ëles)  
por fam. Linert y Maria Irsara

### 20.10. Vëndres - **S. Wendelin**

- 07.30 †ta Paula Pizzinini Auer  
por fam. Carlo y Irma Tasser  
por les animes dl purgatore

### 21.10. Sabeda

- 14.00 Mëssa da noza de Lois Craffonara y Veronika Pedevilla  
16.00 Mëssa de rengraziamënt por chi dla classe 1942  
16.00 Mëssa a Oies

### 22.10. **29<sup>a</sup> DOMÈNIA di ANN A - Domènia dles Misciuns**

#### ***Festa di iubilars de matrimone***


- 10.00 Mëssa por la Comunità  
15.00 Ora de adoraziun • *oferta por les misciuns* •  
18.00 †ti Vijo y Zisca Canins  
†tes Gusta y Agnes Pescollderungg  
por fam. Pia Pizzinini

## Dala VITA dla CÛRA


### **La Festa col Vësko é stada bela**

I s'un conforté y arjigné ala Vijita pastorala y a duc chi che á tut pert ti ál salpü bel; ince al Vësko.

I oress porchël ciamó n iade ti sporje n **gran bel giulan a duc**, duc chi che á tut pert y á fat val sorvisc te na uniun o ince por amur ala comunité (i ne feji nia inoms, mo vigni sorvisc é sté prezios). Nia dí, la festa é passada, mo ara vá inant te na **comunité via** y plëna de entusiasim por la fede y vita cristiana.  
*Siur Degán*



En sabeda, ai 14 de otober 2017 se á uní tl Sacramënt dl MATRIMONE Werner Dapunt cun Jule Frenner. La Comunité de Badia ti aoda tröpa ligrëza y benedisciun de Dî sön so tru deboriada.



En chësta domènia, ai 15.10.2017 ciafa le Sacramënt dl BATO le müt **Edoardo** de Roman Pescosta y Annelies Clara. Al pice che tolun sö cun ligrëza te nosta comunité cristiana y a sü geniturs les mius audanzes.

### **Mëssa dla jöbia sëra cun i studënc dla mesana y scores altes**

En chësta jöbia mët man la Mëssa ince con i studënc dla mesana y scores altes; a chëra che duc chisc jogn y les families é dër bel inviá. Nia messëi, mo podëi ji a Mëssa a coltivé nosta spiritualité y crësce tla Fede. La Mëssa é ince n gran rengraziamënt por tan de beles perts dla vita y comunité cristiana.....  
*Siur Degán*

## **INVIT**

a S.MËSSA de RENGRAZIAMËNT

a duc chi che festejëia chësc ann le

10° - 15° - 20° - 25° - 30° - 40° - 45° - 50° - 55° - 60°

**ANIVERSAR DE MATRIMONE**

en domènia, ai 22 de otober 2017

dales 10:00 te dljia de Badia

\*\*\*\*\*

I iubilars se abina dales 09:50 dan la Stüa di Paur  
por fá deboriada l'ingres te dljia tles prömes proches

